



Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. VII. An Lex vel Statutum obliget subditos extra territorium statuentis
existentes?

[urn:nbn:de:hbz:466:1-61641](#)

ta populi, per actus legi contrarios in numero sufficiente, juxta arbitrium prudenter positos; cùm Princeps, quamvis ignoret subditorum non usum, semper tamen censeatur habere illam voluntatem: quod nolit obligare, contra morem, seu usum populi. Argu. c. 1. de consuet. in 6. & virtualiter illam legem revocare censeatur, qua facta est populo inutilis.

§. VI.

An Leges seu Constitutiones Canonicae vel Civiles obligent etiam ignorantes?

Resp. I. Ignorantes invincibiliter legem promulgatam non obligari (in actu secundo) ad legis talis observacionem Argu. c. 2. b. t. (ubi enim invincibilis ignorantia, non potest committi culpa, cum ignorantia tollat voluntarium, ad omnem culpam requisitum) nisi lex esset praecise irritans v. g. actum aliquem, certam prescribens formam &c. quo in casu contra talem legem praecise irritantem factus actus nullus esset, quamvis cum invincibili ignorantia positus fuisset, cùm irritatio talis non sit penalis culpam supponens, sed statuens certain formam pro bono communis.

Resp. II. Statutum etiam esse de jure Canonico in c. 2. b. t. in 6. ut sententiis quibuscumque (quae animam ligant, censuris v. g.) non ligentur ignorantes, nisi crassa aut supina fuerit eorum ignorantia; non tantum bono animarum exigente raliter non ligati ignorantes tales, sed ipsa etiam censurarum natura, quae non incurri solent, nisi à contumacibus, ubi autem est ignorantia invincibilis, ibi contumacia locum non haberet.

§. VII.

An Lex vel Statutum obliget subditos extra territorium statuentis existentes?

Resp. Non ligari subditos statutis aut legibus, si extra territorium statuentis existant c. 2. §. statuto h. t. in 6. (cùm nemo possit extra terminos sue jurisdictionis eam extendere) & consequenter puniri non possunt, si extra territorium statuentis contra statuta illius faciant (cùm extra territorium jus dicenti impune non pareatur) uisi persona quidem extra territorium existat, actio vero, quæ ponitur aut omittitur, in ipso territorio ponit aut omitti censeatur; vel res circa quam sit operatio, in ipso territorio existat; vel denique bonum & commodum ipsius territorii principaliter respiciat statutum tale, ut contra agens graviter illud lèdat: His enim in casibus etiam extra territorium existentes, & contra statutum in suo territorio latum operantes delinquunt; & pcam in territorio statutam incurrint Beneficiati, à suis Ecclesiis longiore tempore absentes, quam per statutum sui territorii liceat (cùm residentiam omittant ibi, ubi Beneficium habeat) & qui extra territorium existentes, delictum quidem extra illud inchoant, intra illud tamen consumant, sagittam v. g. emittingendo extra territorium, occidendo tamen hominem in ipso territorio existentem; & quibus prohibetur ob bonum Patriæ, extra territorium negotiari, frumentum exportare, cùm hi non censeantur simpliciter extra territorium delinquere.

B 3

Resp II.

Resp. II. Hac ipsa etiam vera esse, & asseri debere pari modo de subditis, qui intra territorium quidem, in locis tamen plenissimè à Domino jurisdictionis territorii exemptis, existunt (in ordine enim ad jurisdictionem æquiparatur locus talis exemptus, loco extra territorium sito) nisi quoad populum tali loco subditum non esset exemptus talis locus, sed præcisè ratione personarum privilegiatarum in tali loco habitantium, ob strictam scil. exemptionis, ordinario loci talis, præjudicantis, interpretationem.

Resp. III. Præceptum tamen & sententia judicis ligat etiam extra territorium præcipientis, aut sententiam legitimam ferentis, cum enim ferantur haec talia directè & immediate personis subjectis, consequenter ubique persona fuerit, ligabitur illis.

§. VIII.

*Quosnam obligent Constitutiones
Canonica sive Ecclesiastica?*

Esp. I. Canonum statuta, sive leges Ecclesiasticas, ligare omnes Christi fideles Ecclesiæ subjectos. i. h. t. (cum enim pro omnibus taliter subjectis ferantur leges tales, consequenter etiam omnes illis ligabuntur, si tamen legitimè sint promulgatae, & usu contrario non abrogatae, sed receptae; neque particulariter tantum sint, certo generi hominum tantum latæ) non quidem quasi omnes obligentur omnibus quoad vim coactivam, cum Pontifex nulli jurisdictioni humanae subjectus, à nemine cogi possit; sed quoad vim directivam, saltem indirectæ, & exæquitate naturali, quâ quis pa-

tilegem jubetur, quam ipse tulit s. cum omnes b. h. t. nisi statui ac Dignitati non congruant.

Resp. II. In foro etiam externo sacerdoti juxta sacros Canones judicandum esse in materia Ecclesiastica, quidquid in jure Civili de tali materia decisum sit, cum tales Civiles decisiones per jus Canonicum correctæ sint, & ob defectum jurisdictionis in Civili Legislatore circa talem materiam nullæ sint.

§. IX.

*Utrum Leges Civiles & Statuta
Magistratus secularis obligent perso-
nas Ecclesiasticas?*

*R*esp. I. Quæ expressè & nominatim de rebus, aut personis Ecclesiasticis, præcipiendo aliquid, aut prohibendo, decernunt, non obligare personas Ecclesiasticas c. quæ in Ecclesiarum 7. h. t. etiam in commodum, & favorem Ecclesiastarum disponant (cum tales leges ob defectum jurisdictionis ipso jure nullæ sint) sive deinde disponant in specie de bonis Ecclesiasticis Clericorum, aut Personarum Ecclesiasticarum, sive de bonis eorum Patrimonialibus (cum certum sit, quod si persona exempta est, res illius etiam exemptæ sint, velut accessoriæ personis exemptis) quamvis bona talia intra Laicorum Principum v. g. districtum, aut territorium sita sint c. i. de immunit. Eccles. in b. (cum territorialis jurisdictione non se extendat, nisi erga Personas, & Res subditas, quales non sunt exemptæ Personæ & Res Ecclesiasticorum, nisi bona Feudalia essent, quæ ex dispositione utriusque juris sub jurisdictione domini direc-